



15-03-2019

Inatsisartut suleriaasiat § 37 malillugu immikkoortoq 1 naapertorlugu matumuuna Naalakkersuisut apeqqut imattoq saqqummiuppara.

**Naalakkersuisunut apeqqut:**

- 1. Naalakkersuisut "Nunani avannarlerni innuttaasut nunami avannarlermi allami namminneq oqaatsiminnik atuisinnaanerat pillugu nunat avannarliit akornanni isumaqatigiissut 17. juni 1981-imeersoq akuersissutigalugu atsiorsimavaat? Aap atorneqarpat, 17. juni 1981-imeersup Kalaallit Nunaanniillu Naalakkersuisumiik atsiorneqarsimasup akuersissutigineqarsimasup imarisaa pissarsiarerusunneqarpoq.**
- 2. Qanoq paasineqassava Oqaatsinut politikki pillugu Inatsisartut inatsisaat nr. 7, 19. maj 2010-imeersoq malillugu § 3, immikkoortoq 4. "Tuluit oqaasii allamiullu oqaasii allat pisariaqartitsineq malillugu atorneqarsinnaapput"?**
- 3. Sooq danskit oqaasii pisortat sullissinermanni Namminersorlutik Oqartussat qitiusumik allaffeqarfifi atortussatut inatsisiunneqarsimappat, paarlattuanik Namminersornermut inatsit "Kapitali 7, § 20" allatorluinnaq oqariartuuteqartoq?**
- 4. Sooruna Namminersorlutik Oqartussani, qitiusumik allaffeqarfimmi, pisortat suliffeqarfitaanni aamma kommunini pisortatut atorfeqartinneqartut kalaallisut ilinniarnissaannik periarfissinneqarneq ajortut?**
- 5. Qassit Namminersorlutik Oqartussani, qitiusumik allaffeqarfimmi, pisortat suliffeqarfitaanni aamma kommunini pisortatut atorfeqartinneqartut kalaallisut allassinjaallutilu oqalussinnaappat?**
- 6. Sooruna Namminersorlutik Oqartussani, qitiusumik allaffeqarfimmi, pisortat suliffeqarfitaanni aamma kommunini pisortatut atorfinitsitsisarnermi kaajallaasitaq kalaallisut oqalussinnaallutilu allattarnissaannik oqariartuut malinnejnarneq ajortoq?**
- 7. Sooruna Namminersornermut inatsit kapitali 7, § 20 Namminersorlutik Oqartussat, qitiusumik allaffeqarfimmiit, pisortat suliffeqarfitaanniit aamma kommuniniit malinnejnangitsoq?**
- 8. Namminersornermut inatsimmi kapitali 7, § 20 oqariartuutaata "Kalaallit oqaasii tassaapput Kalaallit Nunaanni pisortatigoortumik oqaatsit" inatsisip oqariartuuta qanoq paasineqassava aamma qanoq nassuiarneqarsinnaava?**
- 9. Namminersorlutik Oqartussanut, qitiusumik allaffeqarfimmur, pisortat suliffeqarfitaannut aamma kommuninut qanoq aningaasatigut akeqassava kalaallisut oqaatsit kisiisa atorlugit pisortat ingerlatsilersuuppata?**

**Inatsisartunut ilaasortaq Jens Napătôk'**

Imaneq 1, Postboks 4120, 3900 Nuuk, E-mail.: [jnaap@inatsisartut.gl](mailto:jnaap@inatsisartut.gl) Nittartagaq.: [www.partinaleraq.gl](http://www.partinaleraq.gl)  
Oqarasuaatit.: +299 34 50 00 Toqqaannartoq.: +299 34 62 Angallattagaq.: +299 258866



- 10. Suut inatsisit allanngortinneqartariaqassappat Namminersorlutik Oqartussani, qitiusumik allaffeqarfimmi, pisortat suliffeqarfiutaanni aamma kommunini kalaallisut oqaatsit kisiisa atorlugit pisortat ingerlatsilissappata?**
- 11. Suut inatsisit unioqqutinnejassappat Namminersorlutik Oqartussani, qitiusumik allaffeqarfimmi, pisortat suliffeqarfiutaanni aamma kommunini kalaallisut oqaatsit kisiisa atorlugit pisortat ingerlatsilersuuppata?**
- 12. Naalakkersuisut qanoq Kalaallisut Oqaatsit atorneqarnissaat pillugit pilersaaruteqarpat?**

(Inatsisartunut ilaasortaq, Jens Napātōk', Partii Naleraq)

**Tunngavilersuut:**

Qulaani apeqqutit tamaasa paaserunneqarput, kissaatigineqarpoq apeqqutit ataasiakkaarlugit nassuaatigineqassasut.

Apeqqutit ullut qulit suliffiusut iluani akineqarnissaat kissaatigaara

**Inatsisartunut ilaasortaq Jens Napātōk'**

Imaneq 1, Postboks 4120, 3900 Nuuk, E-mail.: [jnaap@inatsisartut.gl](mailto:jnaap@inatsisartut.gl) Nittartagaq.: [www.partiinaleraq.gl](http://www.partiinaleraq.gl)  
Oqarasuaatit.: +299 34 50 00 Toqqaannartoq.: +299 34 62 Angallattagaq.: +299 258866